

24.

DISPUTATIO THEOLOGICA  
*De*  
**CREATIONE,**  
*Quam*  
Auspice Jehova,  
*In Regiâ Ahoenst Academiâ,*  
SUB PRÆSIDIO

*Plurimum Reverendi Præclarissimq; VIRI,*  
**D. M. NICOLAI LAUR. NY-**  
**COPENSIS, S.S. Theolog. Prof, Publici & Eccle-**  
**siæ Saguensis Pastoris vigilantissimi, Hospitis sui ac**  
**Promotoris jugiter devenerandi,**

*Publicè ventilandam proponit*

**PAULUS SIGFRIDI JERONIUS BOTH.**  
S. S. Theolog. Studiofus,

*Ad diem Decembris horis antemeridianis consue-*  
*tis in Auditorio Majori, Anno 1654.*

A B O E

---

Excusa à PETRO Hansen/ Acad. Typogr,



*Nobilissimo, Consultissimo & maximè strenuo Domino*

# **DN. JOHANNI Graani** Hæred. de Storewåshy &c. Bothniæ

Orientalis ac Occidentalis Dynastæ per celebri, Me,  
cœnati & Patrono suo desideratissimo.

*N E C N O N*

*Reverendis, Clarissimis, ac Præstantissimis VIRIS,*

**Dn. Præpositis & Pastoribus in**  
Bothniâ Orientali fidelissimis fautoribus & bene-  
factoribus suis quolibet honoris cultu pro-  
sequendis.

*U T E T*

*Venerabilibus, Humanissimis ac Doctissimis VIRIS.*

**Dn. Verbi divini Ministris, in præ-**  
dictâ Bothniâ impigerrimis, amicis & fautoribus  
officiose colendis.

*Disputationem hanc Theologicam in gratitudinis ac  
observantiae remunitione submisse, reverenter &  
amicè offert & inscribit*

*Paulus Sigfridi Jeronius. Both.*

In Nomine JESU

De

# CREATIONE Thesis I.

 N consideratione magni hujus Christianæ religionis articuli, de creatione, quā æternus omnium rerum Creator atq; moderator Deus, ex arcanâ maiestatis suæ sedē prodiens, sese creaturis ad extra manifestavit, duo præcipue nobis veniunt nota da, videlicet Ονοματολογία & πραγματολογία, hæc sub se comprehendit vocis Homonymiam & Synonymiam, illa ipsam Definitionem exhibet.

## II.

*Homonymiam*, quod spectat, accipitur vocabulum creationis in S. Scripturâ, Propriè vel impropriè. Propriè accipitur (1) pro Creatione immediatâ & significat productionem rerum ex nihilo; sic Gen. 1. v. 1. *In principio creavit Deus cælum & terram* (2) pro Creatione mediata & significat productionem rerum creatarum, non quidem ex nihilo; Sed ex præacente materiâ, planè tamen inhabili & indispositâ, ità creasse dicitur Deus hominem, Gen. 1. v. 27. quem formavit ex limo terræ, Gen. 2. v. 7. & Eam quam è costâ Adami extruxit v. 22. *Impropriè & Metaphorice* accipitur pro quovis opere admirando, præclarè eximio, atq; stupendo. Sic opus renovationis & conversionis dicitur *creatio*, Psalm. 51. v. 12. Cor mundum creare me Deus Eph. 2. v. 10. *Dei opus sumus creati in Christo Iesu ad bona opera*. Gal. 6. v. 15. dicuntur regenerati nova creatura. Sic partus virgineus quia vires naturæ superat, dicitur opus creationis, Jer. 31. v. 22. *Creabit Deus novum*

A

Super

*super terram, femina circumdabit virum, id est, virgo pre-  
gnans erit.*

III.

*Ad Synonymiam quod attinet, sciendum vocabula  
Synonyma esse, (1) creare, Gen. 1. v. 1, (2) Facere Gen. 1.  
v. 31. Et vidit Deus cuncta quæ fecerat & erant valde bona.  
(3) Formare, Gen. 2. v. 7. formavit Dominus Deus hominem  
de limo terræ. (4) Parare preparare, disponere, Prov. 8. v. 27.  
quando preparabat celos aderam. (5) Fieri Gen. 1. v. 3. Di-  
xitq[ue] Deus fiat lux & facta est lux (6) Expandere vel exten-  
dere, Psalm. 104. v. 3. Extendit cœlum quasi pellem. Esai.  
40. v. 22. c. 42. v. 5. (7) Fabricare sive condere. heb. 3. v. 4.  
Omnis namq[ue] domus fabricatur ab aliquo, qui autem omnia fabri-  
catus est Deus est. (8) Construere & coagentare. Heb. 11. v. 3. Per  
fidem intelligimus constructum, fuisse mundum verbo Dei, ut  
qua cernimus non sint ex apparentibus facta.*

IV.

*Pragmatologia ipsam Definitionem exhibet: Creatio est  
actio Dei, quâ! Deus Pater liberimâ & Optimâ voluntate,  
per filium suum in S. S. res omnes quæ factæ sunt, Optimas  
condidit; ut per hoc admirabile theatrum creaturis & cum  
primis homini, Bonitas, Sapientia & omnipotentia Divina  
innotescerent: Atq[ue] tot argumentis eruditus, ipse vicissi-  
sim agnosceret, amaret & coleret creatorem.*

V.

*Explicatur haec Definitio coosideratione Generis &  
Differentiæ. Genus est Actio, non prædicamentalis, sed hy-  
perphysica, non immanens, quæ non ponit effectum  
aliquem extra agens; Sed transiens, non quod transferit  
in externum aliquid subiectum, cum actio creantis ante-  
verterit omne subiectum, sed quod Deus per hanc pro-  
duxerit omnes substantias sex primis diebus creatas. Un-  
de & verba illa Creavits, fecit, formavit activè ponuntur.*

VI, Dif-

## VI.

Differentia desumpta est ē Causis & Effecto.

## VII.

*Causa Efficiens creationis est Solus Deus, Gen. i. v. 1<sup>6</sup>*  
Job. 9. v. 8. & quidem tota Sacra Sancta Trinitas, Pro-  
ductio enim hujus universitatis est opus omnibus S. San-  
cta Trinitatis personis Commune. Quia: (1) Scriptu-  
ra S. creationem mundi adscribit & tribuit, jam *Conjun-*  
*citum omnibus tribus personis, Psalm. 33. v. 6. Verbo Do-*  
*mini cœli firmati sunt: & Spiritu oris ejus omnis exercitus eo-*  
*rūm. Jam Divisim Deo patri, 1. Cor. 8. v. 6. Unus Pa-*  
*ter ex quo omnia. Deo Filio, Joh. 1. v. 3. Omnia per ipsum*  
*sc: τὸν λογὸν facta sunt. Deo S. Sancto Job. 26. v. 13. Spi-*  
*ritus ejus (sc: Iebovæ) ornavit cœlos. Psalm. 104. v. 30. E-*  
*mītes Spiritum tuum & creabuntur & renovabis faciem terræ.*  
(2) Est opus ad Extra ideòq; indivisum, h. e. non uni per-  
sonæ Deitatis proprium, sed Toti Trinitati commune.  
(3) Una est Patris, Filii & Spiritu Sancti essentia, una vo-  
luntas, una potentia; Ergo una est quicq; operatio.

## VIII.

Causa impellens προκαταρχητικὴ externa quæ De-  
um ad creandum res impulit nulla fuit, cum nihil dum  
præter Deum extaret Esai. 40. v. 13. 14. 15. προηγεμενὴ  
vero est, iñiensa ejus bonitas & liberrima voluntas. Deus  
enim nulla necessitate aut suæ utilitatis indigentiā, sed  
solā bonitate & liberrimā voluntate per motus, totum  
hoc opificium & omnia quæ in eo continentur condidit.

## IX.

Materia creationis ex quâ & propriè ità dicta, nulla  
fuit, juxta vulgatum versiculum: *Materiam noli quaerere*  
*nulla fuit; Nomen tamen materiæ & quidem secundum*

analogiam retinere possumus: Et ità materiam creationis distingvimus in *Primam & Ortam.*

X.

*Prima* est Nihilum purè negativum, cum ab æterno nihil fuerit præter Deum; quod probatur sequentibus scripturæ dictis, Gen. i. c. Dilertè tradit Moses, quod omnia ex nihilo, tantum per Dei verbum facta & creata sint. Esai. 41. v. 24. *Vos estis ex nihilo.* Prov. 8. v. 24. cum abyssi essent nihil ego genita sum dicit sapientia: i. e. Filius Dei. Sic 2. Mach. 7. v. 28. Ubi mater Machabæa filiū suum ab Antiocho tyranno jam jam trusi dandum ità affatur: *Respicce ad cœlum & terram & omnia que in ijs sunt & cognosce quod ex non existentibus, h. e. ex nihilo, illa fecerit Deus Rom. 4. v. 17.* Deus vocat τὰ μὴ νόητα ἐώς ὄντα, illa que non sunt tanquam ea quae sunt, h. e. ex nihilo res omnes produxit, ijsq; verum & reale esse induxit. XI.

Materia *Orta* est informis, rudis & indigesta, moles initio producta, quæ fuit materia cæli & terræ, omnium quæ rerum creatarum, quam Moses terram inanem & vacuam, aquam & abyssum, Gen. i. v. 2. Jobus 38. v. 38. limum; Græci ὑλὴ & χαῦ nominant. Nam sicut Deus hanc ex nihilo creavit; Ità reliqua deinde corpora, tam simplicia, quam composita partim immediate, partim mediately ex eâ; ordine produxit, uti patet ea sap. ii. v. 18. *Manus tua creavit Orbem terrarum εἰς ὑλῆς αὐτὸς φερεῖς ex materia informi.*

XII.

Forma creationis consistit in illo modo, quo Deus res omnes, cum non existerent, dicendo, jubendo, mandando, ut existerent, sex dierum spatio in certo ordine produxit, distinxit ac exornavit, unde Basilius & Ambrosius creationem omnium rerum opus εἰς ἀγέροντα nuncupant.

XII.

## XIII.

Ordo creationis ex revelatione S. Sancti, à Moſe Gen. i. c. hunc in modum describitur: *Primo die creavit Deus cœlum & terram h.e. rudem & informem massam, operis futuri materiam Gen. i. v. i. 2. lucemq; ad removendas tenebras abyssi, & ad dierum & noctium vicissitudines constituendas prodire jussit Gen. i. v. 3. 4. 5. Deus jussit ex tenebris lucem splendescere, 2. Cor. 4. v. 6. h. e. cum essent tenebræ Deo dicente vel jubente subito facta est lux.*

## XIV.

*Secondo die creavit Deus firmamentum, per quod simplicissime intelligimus ipsum Systema corporis cœlestis, hebraicè Rakia dictum, quod sit instar tapetis vel laminæ diductum ac solidatum, Psalm. 104. v. 3. Deus extendit cœlum sicut pellem. Esai. 42. v. 5. hæc dicit Iehova creans cœlos & extendens eos; Et distinxit inter aquas superiores & inferiores, quæ in maximâ copiâ existunt super. Firmamentum elevatæ, Gen. 1. v. 7. & 8. Psalm. 148. v. 4. Laudate Dominum celi calorum & aquæ omnes quæ super cœlos sunt laudent nomen Domini.*

## XV.

*Tertio die aquas infra firmamentum relictas in unum locum congregavit, terram ex undis aquarum eduxit, ut sicca & arida appareret. Ne vero terrarum orbis ab aë quies vicissim obruatur, divino hoc fit imperio, vide Job. 38. v. 8. & seqq. Ps. 33. v. 7. Psalm. 104. v. 5. & seqq; Prov. 8. v. 29. Jer. 5. v. 22. Eodem die terra nondum imbribus humectata, aut calore solis facunda herbas & frugiferas arbores, secundum speciem suam jussu Dei produxit, Gen. 1. v. 9. 11. 12. herbæ illæ non omnes homini sunt *Efui*, interim tamen omnes sunt *homini usui*; Et licet non nullæ jam propter peccatum factæ sint noxiæ, & ad esum*

minus

minus conducant, tamen non propterea omnibus crea-  
tis obsunt, omniq; carent utilitate, Lucret. teste l. 5.

*Quippe videre licet pinguis cere sapè cicutā,  
Barbigeras pecudes, homini qua est acre venenum.*

## XVI.

*Quarto die luminaria magna, solem & lunam, reli-  
quasq; minores stellas, tam errantes quam fixas creavit,  
quibus tanquam micantibus gemmis firmamentum ex-  
polivit. Gen. 1. v. 14. Fiant luminaria in firmamento cœli &  
dividant diem & noctem & sint in signa & tempora, & dies &  
annos; ut luceant in firmamento cœli & illuminent terram.*

## XVII.

*Quinto die aquatilia & volatilia produxit, non im-  
mediate ex nihilo, sed dixit: Producant aquæ reptile anima  
viventis, & volatile super terram subfirmamento cœli, Gen. 1.  
v. 20. Unde liquet ex aquis pisces & aves creatas esse.  
His autem aërem condecoravit; illis verò aquam exor-  
navit.*

## XIX.

*Sexto deniq; die animalia terrestria juxta varias spe-  
cies, & postremò omnium hominem, tanquam Domi-  
num omnium creaturarum formavit, quibus terram mi-  
rificè exornavit, Gen. 1. v. 24. 25. 26. 27. Atq; hæc est  
εξ αἰγαλοῦ illa operum creationis O:κενού πία à Mose de-  
scripta, Gen. 1. c. ex quâ manifestum evadit Deum tres  
priores dies rerum distinctioni, seu communis domiciliij  
rerum corporalium preparationi; Tres vero posterio-  
res exornationi destinasse; die autem 7. requievit ab u-  
niverso opere quod patrārat. Cujuslibet diei opus com-  
prehenditur hoc disticho:*

*Arte diem, calumq; D E U S, terramq; creavit,  
Plantas, fidus, aves, quadrupedes, hominem.*

## XIX.

## XIX.

*Finis Creationis est duplex, alius respectu Dei, alius respectu nostri: Finis respectu Dei est vel Theoreticus vel Practicus.*

## XX.

*Finis Theoreticus consistit in agnitione Potentiae, Sapientiae ac Bonitatis divinæ, Psalm. 33. v. 9. Ipse dixit & facta sunt, ipse mandavit & creata sunt. Psalm. 136. v. 5. Dominus Deus fecit cælos intelligentia Gen. 1. v. 31. Et vidit Deus cuncta quæ fecerat & erant valde bona. Finis Practicus est gloria Dei, Psalm. 19. v. 1. cæli enarrant gloriam Dei: Prov. 16. v. 4. Universa propter semet ipsum operatus est Dominus.*

## XXI.

*Finis respectu nostri est hominis utilitas, cui omnes creaturæ inservire debebant, Gen. 1. v. 26, Psalm. 8. v. 7. 8. 9. Unde homo ultimo loco à Deo creatus, inquit mundi theatrum est introductus, ut ijs creaturis veluti Dominus uteretur ad Dei laudem & suam utilitatem.*

## XXII.

*Hactenus causæ creationis. Effecta ejusdem sunt omnes creaturæ, Col. 1. v. 16. Quæ considerantur vel respectu quidditatis & sic propriè loquendo, substantia sunt creatæ; Accidensia enim tantum sunt concreata. vel respectu quantitatis & sic omnes creaturæ totius hujus universi à Deo sunt creatæ, Joh. 1. v. 3. vel respectu qualitatis & sic omnes creaturæ sunt bona, Gen. 1. v. 31.*

# QUÆSTIONES.

## I.

**A**n personæ Sacro Sanctæ Trinitatis rectè dicantur causæ creationis sociæ? Neg. (1) Quia illis definitio causarum sociarum non competit, cum mutuâ ope non subleventur. (2) Neq; requisita causa-

tum sociarum illis applicari possunt cum personæ S. Sanctæ Trinitatis non habeant diversas numero essentias, nequæ diversa virtute, & distincta causalitate ad opus creationis concurrant. Non enim alia est causalitas in Patre, alia in Filio, alia in Spiritu Sancto sed virtus creatrix in singulis est una numero. Unde Scriptura notabiliter loquitur, *creavit Elohim*, Gen. i. v. 1. *factor tuus Iehovah Exercituum nomen ejus*, Esai. 54. v. 5.

2. *Quodnam sit discriminem personarum quoad ordinem agendi in opere creationis?* R. Non esse curiosius disputandum de ordine personarum in opere creationis, sed revelatâ hâc simplicitate acquiescendum, quod Pater æternus, per Filium in Spiritu Sancto omnia creabit. Ità enim Nazian: colligit ex Rom. ii. v. 36, unus est Pater ex quo omnia, & Filius per quem omnia, & S.S. in quo omnia. Quæ voculæ non naturam dividunt, sed unius & inconfusæ naturæ proprietates exprimunt.

3. *Quo respectu opus creationis soli Patri in Symbolo Apostolico assignetur, cum omnibus tribus personis competit?* R. Creatio consideratur dupliciter. (1) *Absolutè*, hoc est quoad ipsum actum agendi, & sic omnibus tribus personis, ob essentiæ unitatem æqualiter competit. (2) *Relatè*, h. e. quo admodum & ordinem agendi, & sic Patri assignatur potissimum triplici de causa. (1) respectu Originis, quia pater uti est fons, Origo & Principium Filij & S: S. Ità quoq; est principium operationum divinarum, videlicet creationis, conservationis & gubernationis. (2) respectu Ordinis, quia Pater est prima persona Deitatis; Ideoq; etiam creatio, quæ est primum opus, quo Deus sese exterius creaturis

mani-

manifestavit, rectè eidem tribuitur. (3) respectu exteri-  
ni discriminis in Ecclesia servandi, quo Pater à Filio & S.S.  
discernatur. Sicut enim cæteræ personæ suas habent  
notas, per quas agnoscit possumus, ut Filius per Redemptio-  
nem & S. S. per Sanctificationem, ita Patri Creatio tribui-  
tur tanquam signum & nota externa, monstrans patrem  
eumq: à cæteris personis discernens.

4. *An Deus totum hoc universum ab æterno, an  
vero in tempore creaverit?* Neg, Prius, Aff. Po-  
sterius. Quia Moses Gen. 1. c. Universorum creatio-  
nem de scripturus, rotundè asserit, Deum in Principio crea-  
se cœlum & terram, quibus verbis innuit mundum & to-  
tam seriem rerum creatarum, non fuisse, ab æterno, sed  
certo tempore incepisse, tunc videlicet quando D E U S  
voluit, qui solus ante mundi creationem fuit ab æterno.

5. *Cum creatio sit Dei actio in tempore, Anne  
ergo ab æterno Deus fuerit oculos?* Neg, & Dist;  
Divina opera, quæ sunt in duplice Differentia vel Abscon-  
dita, de quibus Rom. 11. v. 33. O altitudo divitiarum sa-  
pientiae & scientiae, Dei, quam imperscrutabilia sunt jus-  
dicia ejus. Vel Revelata, quæ rursus sunt duplia,  
Interna & Externa. Opera D E I Interna sunt, quæ  
Deus producit intra se, & hæc sunt vel Personalia, qualia  
sunt gignere filium & Spirare Spiritum Sanctum, quæ  
sunt opera Dei æterna, prov. 8. v:23. & absolute necessitatis;  
vel Essentialia, ut consiliū Dei, quod pertinet ad Dei intel-  
lectum & voluntatem Act. 4. v. 2. 8. & Decretum, quod  
pertinet ad divinæ voluntatis actum. Eph. 1. v. 4. Rom. 8.  
v.29. Et horum respectu rectissimè dicitur, Deum ab æ-  
terno non quievisse, sed fecisse quæ voluit facere. Vel

*Externa quæ Deus extra se producit in ercaturis & spectan-  
res in tempore creatas & dicuntur opera liberæ voluntatis, quo cum respectum incommodè dicitur Deum ante mundi creationem nihil fecisse. prov. 8. v. 22.*

*6. An mundi creatio in tempore sit articulus fidei?*

Aff: Ob quatvor potissimum rationes. (1) Ex Scriptura auctoritate, Heb. 11. v. 3. fide credimus aptata fuisse secula verbo Dei. Jam v. fidem illam dicit Apostolus v. 1. argumentum non apparentium, unde sic argumentamur. Si mundi creatio in tempore est objectum fidei, utiq; per naturalem rationem certò & apodicticè non cognoscitur. At verum est prius E. & posterius. (2) Ex articuloru*m*fidei qualitate. Itaenam comparatum est cum articulis fidei propriè dictis, ut licet argumentis philosophicis secundariò & probabilitè confirmari queant postquam ex Scriptura sunt notificati, attamen si nihil ijs ex doctrina Ecclesiæ constet, tum naturali lumine & acumine indagari vel certò demonstrari non possint. (3) Ex Cognitionis impossibilitate. Licet enim Ethnici sciverint Deum esse mundi authorem, tamen nesciverunt an Deus mundum condiderit ab æterno, an vero in tempore, idq; necessariò, cum nihil ijs constituerit de divina voluntate, quæ sola & unica creationis causa est. (4) Ex Philosophorum de creatione mundi temporali dissensione, quæ certum est indicium non ex natura eam cognosci, sed ex revelatione divina sacris literis comprehensa. Hisce rationibus permoti firmitè statuimus creationem mundi in tempore esse fidei articulum, non rationis principium, in Scriptura revelari, non ex natura demonstrari; adeoq; non intelligendo credi, sed credendo intelligi.

*7. An mundus sex dierum spatio per successio-*  
*sio-*

*sionem, an vero in momento sit produetus?* Aff.  
trius. Quia Moses non solum cuiusq; diei opera à Deo  
perfecta enumerat, Gn. i. c. sed hanc annexit clausulam  
Gen. 2. v. 2. complevitq; Deus die 7. opus suum, quod  
fecerat, & requievit die 7. ab omni opere, eumq; sancti-  
ficavit.

*8. An Angeli ex censu creaturarum propterea  
sint exempti quod Moses in descriptione creationis,  
eorum nullam fecerit mentionem?* Rz. Minimè.  
Licet enim Moses in hexaëmero suo, disertam Angelorū  
mentionem non faciat, sed ea tantum commemoret Dei  
opera, quorum pleraq; obvia oculis sunt humanis, tamen  
propterea è censu creaturarum non sunt exempti; tum  
quia præter Deum nihil est in creatum & æternum; tum  
quia Scriptura manifestè ostendit Angelos à Deo condi-  
tos esse, ut psalm. 104. v. 4. heb. 1. v. 7. Col. 1. v. 16. Quan-  
do vero & quo die creati sunt, certò determinari non  
potest, cū Scriptura diem creationis non nominet. Libē-  
tér n. ignoramus ea, quæ in Scripturis non definiuntur.  
*Nam nescire velle, quæ Magister maximus docere non vult eru-  
dita est inscitia.* Interim tamen valdè probabilem judica-  
mus esse eorum sententiam, qui statuunt Angelos primo  
die creatos esse, cum Deus Job. 38. v. 7. afferat se ab astris  
matutinis & filijs Dei laudatum fuisse cum fundamenta  
terra poneret, id quod primo die creationis factum esse Moses testatur.

*9. Qualis fuerit lux illa quæ primordio condita est?*  
Rz. Statuimus cum D. Lutherò, lucem primogeni-  
am fuisse, insitam qualitatem corporis alicujus lucidi, si-  
veluminosi aëris instar diffusi, suistamen extremitatibus  
ità determinati, ut non unavice totum illustraret globum  
sed motu suo partes universi per vices illuminaret, quod

corpus lucidum quarto tandem die, iussu Dei, in solis substantiam fuit collectum & coactum ut lucem mundo clariorem & pleniorum spargeret.

20. *An dentur aquæ supercœlestes?* Aff: De aquis supercœlestibus facilius est mouere quæstionē quā solvere, abs conditæ illæ sunt & à sensibus nostris remotissimæ. Interim tamen cum S. Scriptura eas disertè asselerat, non est quòd dubitemus cum Origene, neq; est quod eāmus infierias cum Casmanno. Major enim est Scripturæ autoritas quam omnis humani ingenij capacitas. Gen. I. v. 6, 7. Dixit Deus fiat firmamentum in medio aquarum, & dividat aquas ab aquis. Et fecit Deus firmamentum, divisitq; aquas quæ erant sub firmamento, ab his quæ erant super firmamentum. Psal. 103. v. 3. qui tegis aquis superiora cœli. Dan. 3. v. 60. Benedicite aquæ omnes quæ super cœlos sunt Domino, laudate & super exaltate eum in secula. Ex hisce & alijs Scripturæ locis dari aquas super cœlestes in confessio est. Si vero obiectatur (1) *Natura* quod existere supra firmamentum & cœlum stellatum esset contra naturam & proprietatem aquæ. R. Aquas existere supra cœlum non φυσικῶς, neq; ἀντιφυσικῶς, sed ἐπερφυσικῶς, qui modus non dependet ex conditio-  
ne naturæ sed à virtute & voluntate creatoris. Quod ve-  
ro deorsum non præcipitentur ex solo Dei nutu fit & di-  
spositione, qui infernas maris rubri aquas instar muri es-  
rectas undasq; jordanis in cumulum aggregatas inq; fon-  
tem suū retrogradas fecit, Exod. 14. v. 22. Josv. 3. v. 13. c. 4.  
v. 18. (2) *Ordo Creationis*, quod quarto demum die regio ætherea exornata fuerit, & secundo circa aëream opificis  
sapientia & omnipotentia voluerit esse occupata. R.  
Opera secundi & quarti dierum esse sibi in vicem subor-  
dinata,

dinata, non opposita; illo sc: 2. die cœli materia in justum  
spatium fuit expansa, hoc v. sc: 4. cœlo ita expanso, & ab  
aquis, quibus immensum erat sequestrato, luminaria  
sunt inserta. (3) *Numerus*, quod duplices duntaxat aquæ  
dicantur factæ, quæ triplicarentur si ultra aërias & terre-  
stres concedenda essent supra cœlestes. *R.* Mosen dupli-  
ces tantum aquas constituere, quoad firmamenti positū  
vz. superiores & inferiores, & hæ vidz. inferiores quam-  
vis loci ratione, vel in aëre, vel in mari, vel in terra exi-  
stant, eo ipso tamen protinus non multiplicantur, sed unius  
generis sunt & census. (4) *Finis*, quod nullus demon-  
strarari poscit, obquem Deus aquas juxta cœlum velut pisci  
nam collocare debuit. *R.* Etiam si nos ignoremus finem  
earum, non tamen hinc sequitur nullum esse. Multa n.  
ignoramus quæ circa nos sunt, plura quæ infra nos in ter-  
ræ visceribus, plurima quæ supra nos in coelo. A nostra  
itaq; ignorantia ad rei negationem N. V. C. Finis earum  
Generalis est, ut Divinæ Majestatis decantent suo modo  
laudes, & nobis concelebrandi ansam suppeditent. De  
loco quod quæritur, parvæ difficultatis est, ille n. rerum  
naturalis locus est, quem à Deo omnis ordinis Autore atq; Datore accéperè.

11. *An animalia ex putredine & specierum commixtione in primâ rerum creatione à Deo sint creata?* Neg. (1) Quia nulla  
putredo tunc temporis fuit, nec dum aliqua Physica generatio facta, (2) Dicitur  
inter actum & potentiam; Ita animalia licet in primâ creatione actu non fuerint,  
tamen Potentia in aliis animalium speciebus latuerunt.

12. *An spina & tribuli in primordio Crætionis à Deo fue-  
rint creati?* *R.* Distinguendo inter rem ipsam & rei de-  
terminationem. Res ipsa, quoad tribulos & spinas, ante  
lapsum fuit, licet *determinatio* ad pœnam nondum fuerit. Tribuli enim &  
Spinæ æquè ante quam post lapsum succreverunt; Sed nunc demum pœna  
loco & crebrius in agro proveniunt, & misellis nobis homuncionibus multum  
molestiarum facebunt. Nam multa, quæ ante peccatum maiestatis, divis  
næq; gratiæ fuerunt documenta, post lapsum iustæ vindictæ sunt facta instru-  
menta,

## Coronidis loco Quæritur,

13. *An Astrologia judiciaria sit probanda?* R.  
Triplex potissimum usus astrorum sive syderum à Mo-  
se definitur. *Primus* dici potest φωσινὸς illuminativus,  
ut luceant illuminentq; terram, jubar suum per orbem  
diffundendo, Gen. 1. v. 17. *Secundus* ῥιανοφωσινὸς di-  
visivus consistens in separatione diei à nocte, & tempo-  
rum distinctione Gen. 1. v. 14. *Tertius* σημαντικὸς,  
significativus nam teste Mose, stellæ etiam sunt conditæ  
ut essent in signa. Sunt a stellæ *Primo* infallibilia signa  
divinæ providentiae & fœderis illius quod Deus cum Ec-  
clesia pepigit, Jer. 31. v. 35. 36. *Deinde* Physicas etiam si-  
gnandi partes gerūt, in tempestatibus, pluvijs, siccitatibus,  
ventis & id genus aliis enuntiandis, Math. 16. v. 2. Luc. 12.  
v. 54. *Tandem* Politicum etiam signandi munus obtinent,  
in instituendis vitæ hujus actionibus. Ad res n. medicinæ,  
Oeconomiaæ, agriculturæ &c. commodius tractandas, ex  
stellarum motu, lumine aliisq; affectionibus, multa ab ex-  
pertis medicis Oeconomis, nautis, agricolis, piscatorib⁹,  
suo proposito vitæq; generi inservientia colligi possunt.  
Quibus signandi partibus à nonnullis additur quartū de  
quo Christus Luc. 21. v. 55. Atq; hisce Cancellis officium  
signandi stellarum est inclusum & latius non extenden-  
dum. Unde colligimus Astrologiam judiciariam, de fu-  
turis hominum moribus, studiis, vita, fortuna, morte, ge-  
nere mortis atq; aliis que vel immediate à Dei providentia, vel etiam libeo  
hominis arbitrio dependent, nihil certi prædicere posse. quamvis n. mores as-  
tini quandoq; sequantur corporis temperamentum, tamen actiones sàpè  
numero sunt adversus inclinationes, & in hominis voluntate positæ sunt.  
Concludimus itaq; cum pronunciato D. Lutheri, præstat esse semper  
in timore Domini, quam discruciar metu futurorum  
eventuum. Hæc de Creatione.

Gloria, Majestas, honor & sapientia, virtus,  
Lausq; Creatoris sit sine fine D<sup>O</sup>!